



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

3. Græci & Romani olim adulteriorum punitores.

urn:nbn:de:hbz:466:1-45686

tuit obijcere canibus laniandum. Dissimulent licet inertes vi-
ri, & magistratus malè feriat hoc crimen, Ducem tamen Opa-
via agit diuina Nemesis, quæ, & in hac vita, talibus intempe-
rias conscientiamque mordentem, velut latrantes lacerantel-
que canes immitit, & in altera Cerbero Auernali obijciat la-
niandos. Hæc iustitia est ijs, qui præsumunt, in documentum.
Quamobrem Gonzaga seuerè animaduertit in illos, qui spo-
ponderunt, se maritos liberos dimissuros, si eorum vxores sibi
copulam gratificarentur. Consentit in adulterium, qui, cum
ex officio debet, non punit.

II.

Rom. 1. 32.

Et profus, debita Numinis imitatione, Politici magistra-
tus, in adulteria animaduertunt; neque excusare se poterunt,
apud diuinum tribunal, si hîc dissimulanter agunt, aut negli-
genter. *Qui cum iustitiam Dei cognouissent, non intellexerunt,
quomam qui talsa agunt, digni sunt morte: & non solum qui ea fa-
ciunt, sed etiam qui consentiant facientibus.* Itaque digni sunt mor-
te, non solum adulteri, sed etiam adulteriorum dissimulatores,
qui dissimulando spondent impunitatem; impunitate autem
homines inuitant ad scelera, absque metu, audenda ac repe-
tenda. Quam ô Superi, noxio atque inexcusabili se crimine,
obstringunt Principes ac Magistratus, in quorum propemo-
dum oculis, certè auribus, adulteria impunè committuntur!
Qui sciunt toties vxores, quoties noctes commutari; & tacent!
At non sine causa gladium portant. Quid præsumunt, si hîc desunt?
non vult eos Deus ad Tartara ruere, per peccata aliorum; sed
puniendis peccatis, iustitiæque administratione dignos calo-
feri.

Rom. 13. 4.

III.

Ob vnicam Helenam ab adultero Paride retentam, Gra-
eci Troiam, integro decennio, obsederunt, ac tandem captam
flammis pessum dederunt. Itaque & regnum & tantæ opes
Priami ab adulterio interierunt, Græcis tam iniustum nefas
non ferentibus. Cur nos opes, cur regna terrent? cur labor
ac difficultas à iustitia abstrahit? *Fiat iustitia, & pereat Mundus.*
Præstat damnare reos, quàm innocentes perire à dissimulatio-
ne, ac fieri nocentes. Plus timendus est Deus, quàm reus. Ro-
mæ quoque lex Iulia de adulterio semper vindex fuit adu-
teriorum.

Iust Lipsius
ad lib. 4. an-
gal. Taciti.

riorum

